



Republika e Kosovës
Republika e Kosovës – Republic of Kosova
Qeveria e Kosovës – Vlada Kosova – Government of Kosova



**QENDRA E STUDENTËVE
E UNIVERSITETIT TË PRISHTINËS
PRISHTINË**

**STUDENTS' CENTER OF
UNIVERSITY OF PRISHTINA
PRISHTINA**

**STUDENTSKI CENTAR
UNIVERSITETA PRISHTINE
PRISHTINA**

Rruga "Agim Ramadani" p.n., 10 000 Prishtinë, Kosovë
Tel.: +381 (0) 38/223-951, +381 (0) 38/225-976
Web: qs.rks-gov.net

119
29.03.2014
Duke u bazuar në nenin 9 dhe 10 të Statutit të Qendrës së Studentëve, si dhe bazuar në Rregulloren për sistematizim të brendshëm të Qendrës së studentëve nr. 13/14, neni 6, al1.1, 1.2, 1.4, 1.5, Drejtori i përgjithshëm i Qendrës së Studentëve miratoi këtë:

R E G U L L O R E
MBI TË DREJTAT, OBLIGIMET DHE KUFIZIMET E STUDENTËVE
SHFRYTËZUES TË RESURSEVE TË QENDRËS

Neni 1

Qellimi

Me këtë Rregullore përcaktohen hollësitë, të drejta, obligimet dhe kufizimet e studentëve shfrytëzues të resurseve të Qendrës së studentëve në Prishtinë.

A – Të drejtat e studentëve-shfrytëzuesve të resurseve të Qendrës:

Neni 2.

Studentët shfrytëzues të resurseve të QS-së i gëzojnë të gjitha të drejtat që janë të parapara me Statutin e Qendrës së studentëve dhe aktet tjera normative që janë në fuqi.

Neni 3

Studentet para se të vendosin ti shfrytëzojnë resurset që ofron QS-së, kanë të drejtë të kërkojnë të informohen me rregullat dhe rendin shtëpiak, kushtet e shfrytëzimit, të drejtat dhe përgjegjësit e tyre si shfrytëzues potencial i atyre resurseve.

Neni 4

Studentët shfrytëzues të resurseve të QS-së me rastin e vendosjes kanë të drejtë të kërkojnë të pisen me mjete që parashihen me Rregulloren për strehimin e studentëve në Qendrën e studentëve.

Neni 5

Studentët shfrytëzues të resurseve të QS-së me rastin e vendosjes kanë të drejtë të kontrollojnë dhomen dhe inventarin që ekziston në dhomë. Dëmtimet eventuale të mureve, dritareve, dritave, prizave dhe mungesën e inventarit. Jo vetëm që ka të drejtë, por ai është i obliguar ti paraqet të personi zyrtar i konviktit me qëllim të verifikimit të gjendjes faktike. Me këtë rast, ai ka të drejtën të kërkojë të udhëhiqet procesverbali me shkrim, i cili është i plotfuqishëm me rastin e nënshkrimit nga të dyja palët.

Neni 6

Studentët shfrytëzues të resurseve të QS-së kanë të drejtën që në afat sa më të shkurtër të kërkojnë rregullimin, ose sigurimin e mangësive të konstatuara me procesverbal, por jo në afat më të gjatë se 48 orë nga konstatimi i mangësive.

QENDRA E STUDENTËVE
UNIVERSITETI I PRISHTINËS

Neni 7

Në qoftë se edhe pas 48 orëve nuk janë sanuar mangësitë, studentet shfrytëzues të resurseve të qendrës kanë të drejtë të kërkojnë zëvendësimin e krevatit në ndonjërin nga dhomat tjera ku ekzistojnë kushtet optimale të parapara me rregulloren.

Në mungesë të përmbushjes së kushteve të parapara me rregulloren, studentit ka të drejtë të pranojë vizita në dhomat e tyre vetëm në bazë të kësaj rregulloreje.

Neni 8

Studentët shfrytëzues të resurseve të QS-së pas vendosjes në konvikt kanë të drejtë të pranojnë vizita në dhomat e tyre vetëm në bazë të Rregullores mbi rendin shtëpiak.

Neni 9

Studentët shfrytëzues të resurseve të QS-së kanë të drejtë të shfrytëzojnë edhe infrastrukturën tjetër që ofron QS-ja e që parashihet me Rregulloren për strehimin e studentëve në Qendrën e Studentëve, konform rendit të caktuar shtëpiak.

Neni 10

Studentët shfrytëzues të resurseve të QS-së furnizohen rregullisht me rrymë elektrike dhe ujë, ndërsa në sezonin e dimrit edhe me ngrohje.

Studentët furnizohen me ujë të ngrohët, sipas orarit të caktuar, por jo më rrallë se tri herë brenda javës:

Orari për shfrytëzimin e ujit të ngrohët shpallet në tabelën e shpalljes të secilit konvikt.

Neni 11

Studentët shfrytëzues të resurseve të QS-së, kanë të drejtë të kërkojnë pastrimin e hapësirave të përbashkëta nga udhëheqësi i konviktit në rastet kur hetojnë se pastrimi nuk është në nivel. Kërkesa e tyre mund të paraqitet me shkrim në recepcion ose drejtpërdrejt te udhëheqësi i konviktit.

Neni 12

Në ratë të krijimit të zhurmës nga bashkëbanuesit në dhomat e katit të tij ose të kateve të tjera, studentët shfrytëzues të resurseve të QS-së kanë të drejtë të kërkojnë ndërhyrjen e recepcionistit, ose punëtorit të sigurimit për të siguruar qetësinë e duhur në dhomat e tyre.

Nëse kërkesa e tyre, për arsye të ndryshme nuk merret parasysh, atëherë studentit ka të drejtë të bëjë ankesë me shkrim udhëheqësit të konviktit.

Udhëheqësi i konviktit është i obliguar që ta shqyrtojë dhe sqarojë situatën brenda 24 orëve pas ushtrimit të ankesës.

B. Obligimet e studentëve –shfrytëzues të resurseve të Qendrës së studentëve:

Neni 13

Studentët shfrytëzues të resurseve të qendrës, janë të obliguar që në tërësi të respektojnë dispozitat e Statutit të Qendrës së Studentëve, Rregullores për strehimin e studentëve, rendin shtëpiak si dhe vendimet tjera të cilat aprovohen nga organet e Qendrës së Studentëve dhe MASHT-it.

Neni 14

Studentët shfrytëzues të resurseve të qendrës janë të obliguar që të mbajnë me vete ID-ne – lejen për hyrje dhe banim në konvikt dhe të njëjtën ta deklarojnë me kërkesë të personit të autorizuar për identifikimin në hapësirën e Qendrës së Studentëve.



Neni 15

Studentët shfrytëzues të resurseve të qendrës janë të obliguar të ruajnë pjesët e forta në dhomë, instalimet elektrike si dhe gjithë inventarin në dhomë dhe lokalet e përbashkëta të konviktit.

Neni 16

Studentët shfrytëzues të resurseve të qendrës janë të obliguar që t'i raportojnë dëmet eventuale jo vetëm në dhomat e tyre, por edhe në lokalet e përbashkëta, në lokalet ndihmëse, në terrenet

sportive, apo Palestrën Sportive. Raportimi për dëmin e konstatuar bëhet me gojë ose me shkrim, në zyren e udhëheqësit të konviktit, ku banon.

Neni 17

Studentët shfrytëzues të resurseve të qendrës të cilët me rastin e vendosjes në dhomë nuk kanë pas vërejtje, nuk iu pranohen reklamacionet e mëvonshme. Në raste të caktuara, dëmi i konstatuar bie në ngarkesë të studentit i cili i shfrytëzon resurset e dhomës së caktuar. Në rastet kur nuk mund të përcaktohet shkaktari i dëmit, kompensimi bëhet kolektivisht nga bashkëbanuesit-it në dhomën përkatëse.

Neni 18

Në rastet kur studentët shfrytëzues të resurseve të qendrës nuk e raportojnë dëmin e shkaktuar në dhomë, në lokalet e përbashkëta etj. atëherë dëmin e shkaktuar do ta kompensojnë banuesit e dhomës, ose katit përkatës në mënyrë solidare ose proporcionalisht nga numri i bashkëbanueseve të dhomës – katit. Në rastet kur bëhet kompensimi i dëmit të shkaktuar, studenti ka obligim të kërkojë dëftesë me shkrim nga arkëtari për lartësinë e pagesës së bërë.

Neni 19

Studentët shfrytëzues të resurseve të qendrës në rast të lëshimit të mëhershëm të konviktit janë të obliguar që së paku 30 ditë më parë ta informojnë me shkrim personin e autorizuar në konvikt.

Neni 20

Në rastet kur studentit kërkon të lirohet nga e drejta e banimit, është i obliguar që dhomën ta dorëzojë të pastër dhe në gjendje të rregullt bashkë me tërë inventarin me të cilin është i ngarkuar sipas reversit. Gjendjen faktike në vendin e ngjarjes e konstaton personi i autorizuar. Pas kësaj procedure, studentit shkarkohet nga detyrimet dhe ai mund ta lëshoj konviktin.

Neni 21

Në rastet kur veprohet ndryshe nga ajo që parashihet me nenin 17 të kësaj rregulloreje, reklamacionet e mëvonshme nuk pranohen dhe përgjegjësia bie mbi personin i cili nuk iu është përmbajtur normave të sanksionuara me këtë nen. Qendra e studentëve, personeli i konviktit nuk garanton sigurinë e gjësendeve në dhoma.

C- Shfrytëzueset e resurseve të Qendrës iu ndalohe:

Neni 22

Me qëllim të sigurimit të cilësisë së banimit dhe me qëllim të ruajtjes së rendit shtëpiak studentët shfrytëzues të resurseve të qendrës janë të obliguar që të iu përmbahen ndalesave në vijim:

- Ndërrimi i dhomës, i katit apo i konviktit pa pëlqimin e personit të autorizuar ,

- Dhënia e shtratit për shfrytëzim personit të tretë,
- Mbajtja e pa deklaruar e personave tjerë në dhomë – ilegalëve,
- Huazimi i përkohshëm, apo i përhershëm gjatë një sezoni të banimit i lejes për hyrje në konvikt,
- Përdorimi i furnelave (reshove), hekurit për ngrohjen e ujit, nxehëseve elektrike, apo kondicionerëve,
- Përdorimi i mjeteve radiodifuzive (radio, TV, etj.), si dhe instrumenteve tjera muzikore me të cilat mund të prodhohet muzikë zhurmuese,
- Meremetimi, ndërrimi i vendit të ndërprerësve të rrymës, i prizave, dritareve apo zhvendosja i inventarit tjetër në dhomë apo në hapësirat e përbashkëta,
- Vendosja e posterëve, fotografive, tapicerive apo gozhdave nëpër muret e dhomës pa leje paraprake,
- Vendosja e shpalljeve, njoftimeve, afisheve, apo publikimeve tjera pa marrjen e lejes paraprake nga personat e autorizuar në konvikt – Qendrën e Studentëve.

Neni 23

Studentëve shfrytëzues të resurseve të qendrës, nuk iu lejohet të ushtrojnë agjitacion dhe veprimtari politike në kompleksin e Qendrës së Studentëve. Kjo nuk e ndalon angazhimin e studentëve në aktivitetet partiake jashtë qendrës.

Neni 24

Studentët shfrytëzues të resurseve të qendrës nuk i lejohet ushqimi në dhomë. Në këtë rast, banuesve në konvikt iu ndalohet:

- Zierja e gjellërave nëpër dhoma,
- Mbajtja në dritare i kavanozave me pemë e perime të konservuara apo shisheve me lëngje të ndryshme,
- Mbajtja dhe ruajtja e ushqimit të thatë në dhomë etj.

Neni 25

Studentëve shfrytëzues të resurseve të qendrës iu ndalohet hedhja e mbeturinave nga dritaret. Banuesve iu ndalohet edhe larja e ndërresave, çarçafëve apo rrobave tjera në dhomë si dhe tharja e tyre në dritaret e dhomës.

Neni 26

Studentëve iu ndalohet konsumimi i pijeve alkoolike, apo i substancave tjera narkotike në dhomat e tyre të banimit, apo në hapësirat tjera brenda Qendrës së studentëve. Studentëve të cilët janë nën ndikimin e substancave narkotike, apo ata në gjendje të dehur, nuk iu lejohet hyrja në konviktet e qendrës.

Neni 27

Në rastet kur studentët shfrytëzues të resurseve të qendrës nuk iu përmbahen ndalesave të përcaktuara me rregullore, për pasojë kanë ndërmarrjen e masave përkatëse disiplinore si ne vijim:

1. Vërejtje me gojë,
2. Vërejtje me shkrim
3. Parapërrjashtim dhe
4. Përrjashtim nga konvikti.

Vendimi për shqiptimin e masës disiplinore vërejtje me gojë, përkatësisht, vërejtje me shkrim e merr udhëheqësi i konviktit.

Vendimin për shqiptimin e masës parapërrjashtim me propozimin e udhëheqesit të konviktit e merr Drejtori i strehimit. Vendimin për shqiptimin e masës përrjashtim nga

konvikti e merr komisioni përkatës në nivel të konviktit. Komisioni formohet në fillim të sezonit të strehimit dhe ka mandat njëvjeçar.
Për secilën masë të shqiptuar duhet të udhëhiqet procesverbal dhe të mbahet evidencë e rregullt.

Për rastet vërejtje me shkrim, parapërgjashtim përkatësisht përjashtim nga konvikti, studentit duhet t'i dorezohet vendimi me shkrim. Vendimi duhet të përmbajë edhe këshillen juridik për mundësinë e ushtrimit të së drejtës së ankesës.

Neni 28

Kundër vendimit për shqiptimin e masës së caktuar disiplinore, studenti ka të drejtë ankesë për rishqyrtimin e vendimit.

Kërkesa e parashtuar për rishqyrtimin e vendimit duhet të shoqërohet me provat përkatëse që shkojnë në favor të palës së dëmtuar.

Ankesa i drejtohet Komisionit Qendror në nivel të qendrës. Komisionin Qendror e formon Drejtori i Përgjithshëm i Qendrës, në fillim të sezonit të strehimit dhe ka mandat një vjeçar.

Vendimi i Komisionit Qendror është definitiv. Mbi shqiptimin e masës studentët shfrytëzues të resurseve të qendrës në rast të lëshimit të mëhershëm të konviktit janë të obliguar që së paku 30 ditë më parë ta informojnë me shkrim personin e autorizuar në konvikt.

Në raste të tilla, mundet, por nuk është e domosdoshme të raportohet për shkaqet e lëshimit të konviktit. Në raste të tilla, shfrytëzuesi i të drejtës së banimit nuk ka të drejtë të kërkojë kthimin e pjesës së mbetur të pagesës.

Ushtrimi i ankesës për rishqyrtimin e vendimit nuk e ndalon ekzekutimin e vendimit për përjashtimin e studentit nga konvikti.

Neni 29

Në rastet kur studenti kërkon më herët ta ndërprej shfrytëzimin e të drejtës së banimit, është i obliguar që dhomën ta dorëzojë të pastër dhe në gjendje të rregullt bashkë me tërë inventarin me të cilin është i ngarkuar sipas reversit.

Gjendjen faktike në vendin e ngjarjes e konstaton personi i autorizuar. Pas kësaj procedure, studenti shkarkohet nga detyrimet dhe ai mund ta lëshojë konviktin.

Neni 30

Shfuqizimi

Me hyrjen në fuqi të kësaj rregullore, shfuqizohet rregullorja mbi të drejtat, obligimet dhe kufizimet e studenteve- shfrytëzues të resurseve të Qendres nr.45 të dt. 06.02.2008

Neni 30

Hyrja në fuqi

Kjo Rregullore hyn në fuqi ditën e miratimit nga Drejtori i Përgjithshëm i Qendrës së Studentëve.

Prishtinë, 29.03. 2017

Drejtori i përgjithshëm:
Fatmir Shishta

